



自娛集卷之五

長洲俞琬綸君



五言絕句

貧婦曲

有引

古白有貧女曲字字可涕予謂貧女良
苦不如貧婦之甚有貧婦曲

高堂待炊糜被霜炊以餽但愁無糜炊莫怨有
霜被

其二

自妙集 卷五
汲水見鄰母相對不言苦歸來見鞠母有苦無
從數

其三

芳辰爲我讐低回自掩面可憐簪與髮經年不
相見

其四

人願兒女多我願兒女少筋骨易以銷一事無
頭了

其五

人苦商人婦猶有歸時歡我無別離時終身得
摧殘

其六

夫郎朝自出奔走衣且食日暮夫郎歸莫敢問
消息

其七

垂首欲流淚我生命何薄回見堂上姑汪汪不
忍落

其八

自妙集 卷五
一自嫁郎後終朝結眉宇斗粟與尺布不得常
砧杵

其九

回首樓頭人揜面常歎惜從來無鏡臺容顏暗
中易

幼于草堂歌

有序

從古才人死多孟浪公亦如是死耳公
死而風流不死風流之事半在草堂如
公之行集及志舞諸書堂中所結撰纂

緝也有尋詩徑堂左竹徑也有白公石
堂之庭側古松下石也有曲水環洞堂
外者也歷先後聞人把酒臨風品紅題
翠茲堂行樂事也公嘗執干戚蒙假面
戲舞城下則堂之前階醉月處也古來
存一遺事必存一遺趾草堂其不死矣
地且以公不死公豈死乎爲歌七章亦
爲草堂思風流耳

於邑淚承睫撫劒揚雙眉一時志舞地衰草何

自如集
卷五
三
離離

其二

在顧倍情罔徒倚
滋傷復歷想舊風月拂衣長
慨慷

其三

良玉殞窮壑杖頭不復煙
縹緗千卷書駕去峨
嶠巔

其四

白日若黃土陰風慘蕭蘅
竹徑故如昨邈矣尋

詩人

其五

盤桓愈悲憤四顧唯空幃
廣庭挹清風依稀睹
舞衣

其六

沐芳勿彈冠芳揚身且隍
宜爾青松間蛛網羅
蜂蝶

其七

客散紅裘死暮雨聲泠泠
白公數行淚灑作秋

蝸鳴

予有把酒憶明月九章原博有六章採其一章續後成十章

把酒憶明月明月出妝臺日日卸妝時愁思多
滿懷

其二

把酒憶明月明月上寒樹寒鴉不禁聲忽忽啼
還住

其三

把酒憶明月明月起邊城夜夜聽笳鼓難爲此
夜情

其四

把酒憶明月明月照荒丘死後得清閑看此無
盡頭

其五

把酒憶明月明月過平康結璘不管事閒聽說
衷腸

其六

白如集 卷五 五
把酒憶明月明月入朱門歡歌與愁淚狼籍幾
多人

其七

把酒憶明月明月到隱居渴來茶竈冷空影濕
殘書

其八

把酒憶明月明月映江流寂寂征帆少千山影
欲浮

其九

把酒憶明月明月來古寺往蹟已埋沈猶識殘
碑字

其十

把酒憶明月明月生雲彩仙人五色衣片片歸
滄海

原博六章如生雲彩等名自爲一式與予不
相合愛其翩翩仙句也

幼于生殯十首

爲君齊執紼茫茫動白雲君能脫苦海苦海未

自如集
卷五
六
饒君

其二

道君槁且灰
矍鑠尚如虎
留與世人傳
異鬼能蹲舞

其三

遙望容車至
車前動地哀
試看車以後
拍手放歌來

其四

面目尚本來
浪言解詩械
此福未易能
尚虧于

卷債

其五

公身長七尺
今日酒三杯
誰言無賣處
收盡紙錢回

其六

笳簫迎異骨
紅粉挈芻靈
解人茲白驥
抵死不悲鳴

其七

世上有此鬼
山魃盡驚疑
請看花樹裏
歡載傲

尸歸

其八

明年寒食後野祭為公陳公豈能當祭公猶野祭人

其九

幼子一身子名姓落何簿國王與鬼伯不知屬誰箇

其十

托身是何境對面是何形從此人間世相看盡

稻城

甘蔗郎 有序

橫塘甘蔗郎每午餘必以蔗來稚年可親原博有曲志賞曲文郎不解予為俚語解之

君問儂年紀君問儂不答君莫問儂年春來始垂髮

其二

小小負蔗行夏月行如火蔗則儂與君君與儂

瓜果

其三

人人飲蔗漿蔗皮人所棄不識君何心疊疊還堆砌

其四

他人持蔗來蔗大君嫌小低低問阿儂汝可嫌錢少

其五

他人持蔗來不許上塔頭點首呼阿儂汝可來

上樓

其六

蔗味只如此君言不可食一經阿儂手便說甜於蜜蔗甜儂則苦起蚤衣猶濕

其七

賣蔗雖則苦此苦猶可當阿爺不愛儂教儂牧牛羊告君君不肯坐名甘蔗郎

其八

知君有蔗癖日到君門首一日君樓儂樓儂儂

伴走好心將蔗來明朝定無有

禪房

佛教除六根鼻根幸未絕旃檀一片香解去衆生劫

之客

游子意何屬高人貴識時歸鳥何太忙爭欲栖安枝

蛛網

思君似蛛網卷去復成結肉腸能幾何晝夜無

斷絕

馬湘蘭畫蘭

染墨傳名字幽芳倍可親不知湘水隔癡對畫

中人

金山曉起

潮至涼風起鐘鳴曉霧開隨僧叅好相香火半如來

山茶積雪題扇

寒日無所事呵手臨醉帖玉塵片片來鬪下棲

自集
卷五
一
強葉

題畫

薄醉走谿雪寒飛拂林表與爾盟素心薜門對
空杏

新春日

一歲復一歲添歲併添癡日日尋酒所不知春
去時

書燕子磯石壁

慷慨數呼酒攀條倚危石往來離別情鬱鬱江

心碧

山望

地僻尋花少山陰落月孤悠悠千里色好信托

飛奴

畫

笑語聲孜孜流寬夢黯黯小蝶護花肥輕雲度
風嬾

閨懷

別君知己矣問我欲如何別後衣香盡那堪檢

自妙集
卷五
淚多

與原博舟中別

話別莫投箸相逢意氣新
山頭一寸月猶足酒
千巡

風月閒

人言風月閒風月何時閒
深夜猶不散相將樽
酒閒

歲朝

一年空碌碌往事一齊歸
點檢誰吾有開箱止

故衣

畫蘭

染墨寫幽蘭細細香風至
世無紉佩人化作湘
溪淚

畫

開畫君家在門前擁翠茸
坐來無客到仰面對
清風

携幼奴

我欲携卿隱東山此日過
山中勤借問若處白

自如集
卷五
三
雲多

樓雨

聲靜鳥棲竹水暗雲暝池曉來看雨山遙共淒
幽思

手藉

爾得攜郎臂妾身恨不如此心唯爾會傳與淚
殘餘

弱秋小影

與子三年別臨風正有神夢竟淮水上難訴卷

中人

春晚

含意拾春花紅芳不堪掃燕子肯多情伴我歸
休蚤

悶待

情月三更夢騷風十里秋美人期不至小徑綠
苔愁

招遠

嬌波蕩春柳情雨憐夜花寄意遠行馬回頭客

有家

別贈 代張壽

歡晤春花明腸斷多風雨有夢通話言初醒猶見汝

其二

有別還須來有喜償今苦與子言素期送子江頭去

其三

短撓輕於鷗觸浪聲如虎刻燭飲千杯人醉秋

江午

其四

仰面一天寒雁陣翻來去行行寫箇人人在懸如許

橋李別諸友後寄謝

各分烟雨袖吳越夢交隨一點嚴灘月君歸已
到時

馬行夢驚

鳥落聲空樹山深淚黑雲美人鞍上夢難得馬

蹄勻

懷舊

花好偏多恙時歡不易留幾饒秋上苑况是故人樓

古意

虎出莫探穴魑歸多夜氛妾魂在蒼嶺識盡往來雲

緘寄

既去不如速訂歸莫甚前話多無可寄有淚滴

回船

雲

挽手拾巖桂楊杯餞去雲去從何處歇先我俟河汾

交運

良晤久如昨屯年過尚愁生涯君欲問買有鏡中秋

並馬行

相茲夾楊裏誰是雙心飛隔馬行人淚風吹沾

我衣

懷友

雲薄從人遠
譙閒與路長
思君淚稍滑
提起卽
千行

自娛集卷之六

長洲俞琬綸君宣著

七言絕句

桃葉渡

澹漠流光細
雨飛數行
春草蕩風衣
扁舟桃葉
猶前度
仙影欺人
是又非

燈市喜素奴不赴

狼籍珠鈿款
款收素容
憐殺晚風
秋半枝花
雨
催人病
何處笙歌
不夜樓

覽髮因感

因憐旅鬢添來異遙想闈容減半初狼籍少年
雙渺渺後來風色總模糊

有訪不遇時歲底

雖未春來已借春綺樓多處更春新訪君不遇
逢花雨兩袖鮮香欲醉人

追懷魏蓉

美人元自難經識何苦當年偶識君潦草長安
春去半殘書一卷病紛紛

復過淮堤新柳邊有感

溪口迴波戲柳枝波情咽咽寫相思三年前亦
曾來此一片雄心竟不知

登山喜兩姬月下至

偶與清風兩值閒嘯聲吹沸萬林閒一雙行玉
脩脩上恰似相期月滿山

感玄仲諸契

客久歸來懶入城舊時落地半殘英相逢一片
皆新少裘馬風前避道行

余峰丈同渡春江分手作茆山游

別我凌風叩導師素樽且與坐江湄明朝南望
山頭上忽起青霞君到時

其二

拍手相逢堤柳間短章相送訪仙山三年後是
誰山主此日君來不放還

懷別

一自江洲憐小友笑人還夢望京樓錢塘此渡
尤無爲繡澁山花滿路愁

岫雲沈舅誌

有跋

必不願歸求客死茫茫岫鶴野雲空他時狐鼠
休相問此骨當年備五窮

其二

歸來羞作生馮煖此去寧尋死孟嘗請把送君
千點淚化爲山雨暗家鄉

此蘇州沈岫雲也癖與鄉仇委命於此欲返
其骨甕必不去生之所寄歿亦遂之所謂死
有以葬不必其里也甥某侑居築土灑淚奠

別而以詩誌云

燕姬墮馬

忽望神仙下九疑
彩雲散亂到蛾眉
舞腰幾欲乘風去
况是翻飛馬上時

其二

縹緲風前玉髻橫
懵懵不爲酒初醒
會看芳草神馳去
怪殺青驪斷遠情

其三

春來新服短蟬紗
駕霧裝烟帶落霞
輕貼翠苔塵不動
霏微疑泊武陵花

其四

尋幽陌上卷殘暉
意得空中駕六飛
蚤是九華妃
侍女塵埃終不染
雲衣

登太山

兩肘風扶接漢辰
業軀何幸已通神
茫茫大塊如蟣蝨
俯瞰烟霞亦幻塵

其二

風微何物響清遼
疑是仙家奏洞簫
欲指故鄉

何處是人間烟雨隔山腰

其三

靡靡足下舞雲旗
芒屨輕斜不自持
仰首帝宮應逼近
手擎香火念牟尼

其四

攜朋纔上半山隈
田樹依稀且浪猜
忽自相看
不識面輕雲一朶撲人來

其五

浮玉峰頭碧落居
虬龍下矚舞雲車
笑人眼力

無多遠共指蒼烟作太虛

其六

人寰一片平如鏡
天闕光明照大千
高下參差星萬點
山頭佛宇一燈然

其七

無風蕭颯動人衣
鶴駕羣仙拱太微
一嘯空中傳萬籟
悠悠散與白雲飛

其八

俄生八翼乍登天
半世泥塗一日仙
遊子歸期

自妙集 卷六 五
何處卜紛紛珠斗落金錢

爲幼玉作嫁衣并書此送之

昔年度曲轉淒愴浴罷常沾荳蔻香
一自月英消息斷人前絕口問平康

其二

會結生前未了因春來何計遣蕭辰
從今莫問君肥瘦珍重清閨慰故人

其三

憶昔臨風戲錦鳧酒酣習與共歡呼
如今再欲

看君笑便有千金買得無

其四

兩餘無賴酒行頻坐對齋牕看綠勻
日日歌臺真自得從今樂苦屬他人

其五

君家性格本湫澹一入深閨強自支
欲爲故人傳數語小青渾不是當時

其六

少年和淚別烟蘿儘夜矇矓向玉荷
低唱欲娛

長夜飲不知夫壻性情何

其七

偶然無事戲投瑠點點如星湊不成錯對小姑
呼妹子回身不語盼流鶯

原博留綬館予月下獨歸晨遣訊之

寂寂空林染綠塵雲衣欲冷不知春迷離帶月
歸如夢此夜清光惱殺人

其二

原博有舊歡阿香香死矣音
亦有阿香冢晨風鳥名

玉質何如比阿香半簷花雨夜微涼可知霓蓐

渾無恙未許晨風促淚妝

其三

好夢方成月色孤情濃深鎖畫屏紆枕間記曲
張紅在問有工夫製得無

其四

驗取前期意更親日高輕輦貼花茵願君努力
頻添酒聞說春寒也妬人

其五

原字青娥原
博改作文綬

依依笑語送春波想像微風卸綺羅心事已通

自娛集 卷六 七
無可道小名但囑改青娥

紀夢

夢到三更纔見汝千斛衷腸一時語簌簌打腮
散手歸樹頭吹落黃昏雨

彈琴

彈來多出悲風調一曲一悲寒松青曲終宛轉
悲不盡桂取壁間風自鳴

九郎過訪

閒牕初試雨前茶何處風吹到小娃促坐移時
交半語滿齋春暖不須花

夢杜若

千層暮色迷烟柳一曲清歌墜雨花驀地歌殘
人別去淒然獨枕亂池蛙

題小翻圖

僊人初降海雲邊窄樣身材字小翻檀暈欲低
春思懶琴樽潦倒擲風前

月下虎丘見喜月二馮

雙雙桃李競芳妍對月清歌亦自憐欲識風流

種所在君家幸有綠珠泉

潯陽送客圖

橫空歸夢落平沙聽倦吳儂陌上花今日江頭
明月夜行人猶自怨琵琶

書觀音閣石壁二首

峰頭雲起鬱叅差雲作峰頭曉暮奇來往征帆
飛不住江山小小欲何之

其二

江聲時嘯亦時怒石皮復鼓亦復琴我有豪情

不能吐晴山空碧開吾襟

樓頭婦

樓頭連日懶新妝半上珠簾草陌長貪看晚風
弄楊柳卻忘馬上冶游郎

代

盤陀初整泣西關取次霜紅秋欲闌歌舞盡拚
休慰問低頭不敢看刀鐮

憶別

情多日出還生事月月良辰有別離寒入北牕

自如集 卷六 九
夢來少一夜竹聲葉滿池

閨懷

樓東一望滿江烟
誤約歸期過一年
細雨天涯春草綠
夢吹無賴到君前

別小四

送我江頭細雨飛
鈞簾停棹採江籬
欲知何處愁腸斷
故向杯前一笑時

春盡

誰負幽期不可尋
影娥欄外漸生蘋
鶯花不識

春將去猶着輕風賣弄人

記別

野步山花樹樹稀
酒醒吹入晚涼微
歸來暗落千雙淚
檢出當年見贈衣

送別

回數歸時睫眼過
至今猶未試新羅
一春花柳昏如睡
別恨偏宜陰雨多

餞友

携樽江畔草如茵
唱和詩題片石鄰
一樹秋風

自夢集 卷六
吹落葉登山臨水送歸人

鳳生

雲華秋色滿湘簾翠濕空庭影倍憐不見雙璜
明月下終疑金屋事虛傳

空閨春晚圖

樓角青山入霧暝花蜂草蝶故凋零何人寄意
南來鳥更半愁聲落夜庭

夢愛兒片語卽去

黃昏陰雨濕靡蕪片刻奇緣見小姑不是春顏

常在念醒來尋憶也模糊

家樓

吾園池閣十餘圍不雨經旬水尚肥憑臥北牕
簾半捲山雲樹雪滿前飛

挽何冰玉二首

自來粉黛俱黃土一任輕綃付落霞誰復有情
風共月破牕相與到箏琶

其二

新寒入夢使人哀欲向芳容問鏡臺願爾清寬

寄花下時乘風便逐香來

贈倪冰泉

不善謀生甘餓夫他年肘有玉麟符說梅也自
能消渴姑妄言之亦勝無

感雙二首

有引

過曲水草堂胡陸二姬擁幼于而飲時
雙旣去矣幼于嘗目二姬曰阿侯在何
處不如吾家蠻素常作林下風舒我襟
懷耳因益感雙

憶昔隨遊解拂塵思君脉脉暗傷神日公石下
風流盡楊柳櫻桃也如人

其二

重來把酒恨人非坐向春風憶縷衣蜂蝶有懷
如舊過幾番怏怏度牆歸

南齋夜讀

自述文章慨遭遇逐跡泥塗負心素拚牕夜靜
苦伊吾可惜流雲幾虛度

閨怨

自娛集 卷六 三
憑望雲遙逼漢辰數行草草寄江濱東鄰消息
君休問斷送紅香風雨春

訪幼卿瘞處

滿樹哀禽不住啼可憐埋玉小樓西願君留得
多情在輕着花塵送馬蹄

醉步

翠衿鳥語乍晴時散步春郊有所攜可惜晚游
當醉裏山花幾過未關思

歌婢留別

玉勒裝成已夕陽殷勤更進一壺觴年年短曲
供君醉此去樽前切莫忘

雲夢弔古五首

幾代名賢共結廬清寬常傲白雲虛假能臭味
同千古肯許他年俎豆予

揖五賢

其二

落落雄心氣未平亂揮石劍吐千雲三分亦是
當年夢此片山頭乃屬君

揖劉先主

其三

自如集 卷六 三
絕代風流雲一龕先生長坐石林寒人人會讀
詩千卷可與心期固亦難 揖子瞻

其四

追尋往蹟何嘗死乍覩鬚眉果是生白羽至今

藏怪算空中搖出遠山青 揖孔明

其五

一天秀色滿烟山人渺亭虛鶴不還寒夕酒醒

何處響一聲清唳在雲間 放鶴亭

閨怨

月馨香煖素綃籠逐日空庭掃落紅負我一春
花去半報他淪落雨兼風

長干竹居菴有手栽四竹歸時囑陳復所
善護之別後時以爲念因夢晤陳君亟訊
此竹陳曰無恙

秋來夜半已新寒千里相思爲寄歡可喜新栽
庭下竹無風多雨得平安

薛虞卿得下嫂置大樹園

思君欲訪幾逡巡空積囊中當酒緡才致自慚

自如集 卷六
稻阮下窺塘更得品題人

畫蘭

清風一過枝枝舞墨雨新和
朶朶香不是畫蘭
蘭在畫湘江知斷幾人腸

喜見黃必顯

花前喜得又相親喜極翻疑未是真
但見笑容無半語看來元是十年人

秋閨詞代楊素娟遠寄

登樓迷目草蕭蕭夢隔成都萬里橋
果是月明

能遞去何人無酒不相邀

自述二首

但是向人俱款款不須問酒且嘗嘗
從來笑疾非輕薄愁滿人間不入腸

其二

舌自廣長無箇業眉雖狹小不堪顰
北牕數朶瓶梅下豈食凡間烟火人

爲絲五作悲秋詞贈舊歡

秋風忽起黃花落車馬喧喧慰索莫
有日憑君

自妙集 卷六
一葉情簷前檻外飛輕薄

苔蘚對奕適有客索詩者

鳥半歸巢日半黃兩人心事共茫茫彈碁賭卻
林端月輪者教他照素牀

客中歲暮

逐日浮蹤問渡頭經年離恨半青樓有情天外
空勞夢一片山霞趁水流

湖上追想

何日能忘昔所期迎人花鳥莫相疑浮來翠遠

凝如蓋十五年前春草時

又子鴻歸禪

新裝改作小沙彌第一當場更數誰頻念佛囉
心暗囑來生莫種有情癡

懷蕊玉二首

一片桃花幾度春離腸欲斷酒頻頻驅車過處
流鶯寂難把春愁說與人

其二

新來燕燕喜成雙人有相思多渺茫散步谿邊

尋好句竹皮蕉葉是奚囊

有訪

因君日日苦縈懷走訊春愁破碧苔日午扣簾
妝未罷可知情夢昨宵來

贈友

甕春已竭勤留客池墨常酣懶作書睡起嘯歌
風散竹一天清韻滿庭除

改睡起嘯歌清韻徹天風散竹滿庭除

懷諸姬

好風何處吐芬奇腸斷封家十二姨可恨夢魂
吹不到聊將明月托相思

悼三首

春盡蕭蕭樹滿鴉尋蹤空有墓門斜幽明不隔
惟清夢夜半風前簇淚花

其二

殷勤送子一壺殮夢入三更月半昏好去不須
愁莫訴一腔心事託清寬

其三

夜半藤蘿面面低昏燈恍惚共君時坐君榻上
香猶在留卻芳情遺所思

春去日送行

馮高折柳送春華暫且留春一盞茶春亦有情
含不語依依別恨託飛花

春閨

簷前鬪馬響琳瑯度去三春草不芳寄語舊年
雙燕子天涯何處好雕梁

晏坐

終日杜門非厭客一春心事睡時多飛來一陣
香何處雙鳥銜花掠水過

夢恨

忽忽三更送所思風烟千里更何之寸腸不斷
曾幾許夢裏猶堪泣別時

夜別因贈在坐之交歡者三首

小牕獨坐風與雨可惜春韶傷江滸人生莫恨
無相知看我今宵別離苦

其二

萍合他鄉緣已奇
蘭香分處意交持
兩人莫賀新相識
他日愁腸在此時

其三

一刻生平君莫負
摘花與約來時暮
欲將明月引君情
千里長光入我坐

幼于來

幼于嘗僵臥梅下
梅片軟軟落口中
令人亟奔告友人
曰幼于死矣

閒抽遺卷自刪裁
小徑無人滿綠苔
盡說幼于梅下死
敲門猶自杖藜來

飯後假寐夢四兒

庭前夢接小霞裾
依舊當年二六餘
片刻匆匆忘問汝
近來阿姊病何如

霧後歸園

乘閒信步訪蘭奢
醉捉雲藍寫法華
穉子扶歸烟雨散
數竿影裏是吾家

春晴

一春多雨喜初晴
屢欲披衣尚半醒
牕外不知

何樣鳥但聞聲處若關情

臨別二首

山深秋近夜涼新莫厭殷勤酒頻一曲清簫
何處月半尊殘酌幾時人

其二

薄薄流雲吹細泠茫茫千里孰知心酌君此夜
別離酒嘗得人間愁淺深

平康曲

門前池水浸山霞難得東風戀妾家走過竹籬

舉袂住回頭知是麗春花

秋別

千里長征挾劔緱昔年期約逗行舟白雲一朵
金仙去夜半蕭蕭荻渚秋

舊隱

當年共汎小桃菹今日橋邊訪舊廬風月滿林
人不見桂墻清影欲牽裾

春暮二首

蒼烟漠漠雨絲絲千里悠悠未可期含淚掃花

白妙集 卷六
勤勸酒豈堪重賦餞春詩

其二

鶯去春歸花事衰
我將杯酒解縈懷
年年惡况春無限
今日辭君再莫來

郊外別

鋪花促坐錦紋墩
且與高歌十里邨
乘取碧天酣醉月
霎時雲過酒杯昏

過去姬與遊處

插天孤石倚層臺
秋色當湖萬錦開
往事欲追人不見
嬌風倩雨爲誰來

訪高士

新詩賦就獨閒吟
翠入清池月滿林
縱識姓名無覓處
但聞鳥語白烟深

山懷西望

岑雲寂寂水盈盈
秋色當牕送我情
明月未生西海白
臨風一嘯遠山青

題畫二首

傷水因山蓋草堂
離騷半卷一壺觴
去年別子

秋雲老今日愁看木葉黃

其二

送汝湖亭正夕陽歷年離別惱人腸前途漠漠
難分手兩岸淒風竹樹忙

感

江十立馬意躊躇春去春來人自如門館依然
賓侶斷可能常賦絕交書

閨恨

垂簾久已隔雲華莫向桃谿問妾家風雨小牕
人去後模糊春晚不知花

又莫念溪邊有妾家寂寞小樓天氣好一春
風雨不知花

維揚遇華哥

此地何緣見小華枝頭點雨泣嬌花與君共寄
風塵跋不必含羞揜臂紗

山夜

與君把臂入畫圖人世既隔殊清孤寒林野鳥
任喧寂夜月空山時有無



p 23 - 24

夢醒

輪鞅翻復幾時寧
閒卻堦除月露清
竟夕匆忙何所爲
鼾鼾牀上一莊生

寄

邨家折得半含梅
纔着春風取次開
千里相思知夢准
手溫餘枕待君來

醉歌

南牕仰面弄虛徐
對酒聞香寫自娛
問我前身藐姑射
一庭雪露唱吳歛

程